



**Tužilaštvo - Tužiteljstvo Bosne i Hercegovine**  
**Тужилаштво Босне и Херцеговине**

**A-253-7/23**

**23.06.2023. godine**

Na osnovu člana 69. i 70. Zakona o javnim nabavkama Bosne i Hercegovine („Službeni glasnik BiH“ broj: 39/14, 59/22) i člana 34. Pravilnika o javnim nabavkama Tužilaštva – Tužiteljstva BiH broj: A-97/17 od 25.05.2017. godine, glavni tužilac Tužilaštva – Tužiteljstva BiH donosi

**ODLUKU**  
**o izboru najpovoljnijeg ponuđača**

**Član 1.**  
**(Predmet odluke)**

Ugovor o nabavci usluga mobilne telefonije za potrebe Tužilaštva-Tužiteljstva BiH, dodjeljuje se ponuđaču BH Telecom d.d. Sarajevo.

**Član 2.**  
**(Kriterij za dodjelu ugovora)**

1. Ponuda ponuđača iz člana 1. ove odluke zadovoljava sve uslove utvrđene u predmetnoj tenderskoj dokumentaciji za dostavu ponuda.
2. Ponuđaču iz člana 1. ove odluke, ugovor će biti dodijeljen u skladu sa elementima Ponude, te uslovima i kriterijima utvrđenim u Obavještenju o nabavci i tenderskoj dokumentaciji.

**Član 3.**  
**(Stupanje na snagu)**

Ova odluka stupa na snagu danom donošenja.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: A-253/23 od 26.05.2023. godine. Javna nabavka je provedena putem konkurentskog zahtjeva za dostavu ponuda. Procijenjena vrijednost nabavke za LOT 2 je 9.538,46 KM bez PDV-a.

Obavještenje o nabavci je objavljeno na web portalu: <https://ejn.gov.ba/>, broj obavještenja: 435-7-2-100-3-22/23 od 30.05.2023. godine. Obavještenje o nabavci je objavljeno i u Službenom glasniku BiH. Do krajnjeg roka za dostavu ponuda, na protokol Tužilaštva – Tužiteljstva BiH zaprimljene su dvije uredno zapečaćene i neotvorene ponude ponuđača: BH Telecom d.d. Sarajevo i Mtel a.d. Banja Luka.

Na osnovu Odluke o imenovanju Komisije za provođenje postupaka javnih nabavki Tužilaštva BiH za 2023. godinu, broj: A-438/22 od 01.12.2022. godine i broj: A-438/22-1 od 02.06.2023. godine, članovi Komisije (u daljem tekstu: Komisija) izvršili su pregled i ocjenu ponuda i utvrdili su sljedeće:

Ponude ponuđača BH Telecom d.d. Sarajevo i ponuđača Mtel a.d. Banja Luka zadovoljavaju uslove tenderske dokumentacije i tehničke specifikacije, te se dostavljene ponude smatraju prihvatljivim. Ponuđene cijene ponuđača su iznosile: BH Telecom d.d. Sarajevo 2.277,00 KM bez PDV-a, Mtel a.d. Banja Luka 7.200,00 KM bez PDV-a.

Zahtjevom/TD je bila predviđena e-aukcija, koja je i održana dana 22.06.2023. godine. Nakon provedene e-aukcije utvrđeno je da su oba ponuđača, i BH Telecom d.d. Sarajevo i Mtel a.d. Banja Luka, ponudili nižu cijenu od inicijalno dostavljene. Komisija je utvrdila da je e-aukcija u ovom postupku uspješno završena, te da je nakon završetka e-aukcije najpovoljnija ponuda ponuđača BH Telecom d.d. Sarajevo, sa ukupnom cijenom od 1.570,00 KM bez PDV-a.

Shodno navedenom, članovi Komisije su uputili preporuku glavnom tužiocu Tužilaštva – Tužiteljstva Bosne i Hercegovine za donošenje odluke o dodjeli okvirnog sporazuma za LOT 2 (nabavka usluga mobilne telefonije) ponuđaču BH Telecom d.d. Sarajevo.

Uzimajući u obzir navedeno, odlučeno je kao u dispozitivu odluke.

#### **Pouka o pravnom lijeku:**

Žalba se izjavljuje Uredu za razmatranje žalbi Bosne i Hercegovine putem Tužilaštva - Tužiteljstva Bosne i Hercegovine u pisanoj formi u tri primjerka neposredno, elektronskim putem ili preporučenom poštanskom pošiljkom u roku od pet dana od dana prijema ove odluke.



Dostavljeno:

- Ponuđačima;
- Odjelu za mat.-fin. poslove.